

Home > CHASTELAIN DE COUCI > EDIZIONE > A vous, amant, plus k'a nulle autre gent > Tradizione manoscritta > CANZONIERE M > Edizione diplomatica

Edizione diplomatica

[c. 52 v. D]

Image not found https://letteraturaeuropea.let.uniroma1.it/sites/default/files/export_40.jpg	raisons que ma douleur (con)plaigne. quar il mestuet partir outreement. et desseurer de ma loial (con)paigne. et quant li pert. nest rienz qui me re - maigne. et sachiez bien amours seure - ment. saine nuls morut pour a - uoir cuer dolent; donc niert par moi maiz meus vers. ne laiz. Biauz sire diex quiert il dont et comment. conuenra mil quen la fin (con) - gie praigne. oil par dieu. ne puet estre
--	--

[c. 53 r. A]



https://letteraturaeuropea.let.uniroma1.it/sites/default/files/export%20%281%29_30.png

autrement. sanz li mestuet aler en
terre estraigne. or ne cuit maiz que
granz mauz me soufraise; qua(n)t
de li nai (con)fort nalegement. ne de
nule autre amour ioie natent;
fors que de li. ne sai se ciert iamaiz.
Biauz sire diex qu(i)ert il du consirrer.
du grant soulaz. et de la (con)paignie. et
des douz mauz dont seut amoi parler;
cele qui mert dame. (con)paigne. amie. et
quant recort sa douce (con)paignie et les
soulaz quel me soloit moustrer. (con)me(n)t
me puet li cuers v cors durer. quil ne
sen part. certes il est mauuaiz.
Ne me vout pas diex pour neiant
doner; touz les soulaz quai eus en ma
vie. ainz les me fet chierement (con)pa -
rer. sai grant poour cist loiers ne mocie.
merci amours. sainc diex fist vilenie;
(con) vilainz fait bone amour desseurer.
ne ie ne ne puiz lamour de moi oster.
et si mestuet que ie ma dame lais.
Or seront lie li faus losengeour. qui
tant pesoit des biens quauoir soloie.
maiz ia dece niere pelerins iour; que ia
vers iauz bone volente aie. pour tant
porrai perdre toute ma voie. quar tant
mont fait de mal li trahitour. se diex
voloit quil eussent mamour; ne me
porroit chargier pluz pesant faiz.
Ie men voiz dame adieu le creatour;
conmant vo cors en quel lieu que ie
soie. ne sai se ia verroiz maiz mon re -
tour. aventure est que iamaiz vous re -
uoie. pour dieu vos pri en quel lieu q(ue)
ie soie; que nos (con)uens tenez. uieigne
v demour. et ie pri dieu quensi me
doint honour; (con) ie vous ai este a -
mis verais.

- letto 634 volte